



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 13. De captiuitate Christi.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

ris affectu monendi sunt, quod Christus Iudæis & Iudæ præstitit.

6. Christum osculo tradunt, qui ficto animo ad confessionem, aut indignè ad communionem accedunt.

7. Caueamus mundum, quia proditor est, & amicus falsus. Cum diuitijs nos ornat, arridet nobis: cum voluptates offert & gaudia, osculatur nos: cum honores largitur, amplexatur. Atque his modis speciem amici præferens, morti nos tradit sempiternæ.



MEDITATIO XIII.  
DE CAPTIVITATE  
CHRISTI.

PVNCTA MEDITATIONIS.

I. *Ministris in IESVM irruētibus, rogauerunt Discipuli: Domine, si percutimus in gladio? Et Petrus abscedit Malcho auriculam.*

Mat. 26  
Mar. 14.  
Luc. 22.  
Ioan. 18.

II. *IESVS vero prohibuit: sinite vsque huc; Et cum tetigisset auriculam serui, sanauit eam.*

III. *Postquam quæsisset ex ministris, & magistratibus, cur in templo non apprehendissent? ait: hæc est hora vestra, & potestas tenebrarum: at discipuli omnes fugerunt.*

FIGV-

## FIGURA.

*Indic. 15* **T**Ria milia de tribu Iuda, venientes ad Samsonem dixerunt: Ligare te venimus, & tradere in manus Philistinorum: sicque duobus ligatum funibus adduxerunt.

## PROPHETIÆ.

- Psal. 21.* **C**ircumdederunt me vituli multi, & tauri pingues obsederunt me.  
Aperuerunt super me os suum, sicut Leo rapiens & rugiens.
- Thren. 4* Spiritus oris nostri Christus Dominus captus est in peccatis nostris.
- Ezech. 3.* Fili hominis data sunt super te vincula & ligabunt te in eis.
- Zach. 13* Percute pastorem, & dispergentur oves gregis.
- Iob 19.* Fratres meos longe fecisti à me, & noti mei quasi alieni recesserunt à me.
- Ibid.* Dereliquerunt me propinqui mei, & qui me nouerant obliui sunt mei.

## DOCUMENTA.

- I.** **C**ontra inimicos nullis nisi precationis armis nobis vtendum est, & Christi exemplo bona pro malis reddenda, neq; id modo verbis, sed etiam re ipsa. Gladio nemerarij iudicij nemo ferendus est, ne nos eodem

eodem tangamur , vt monet Euangelium,  
*Nolite iudicare & non iudicabimini.*

*Matt.,*

2. Quandoquidem Christus amore nostri volens lubensque se capiendum Iudæis tradidit: decet vt & nos, vicissim amore illius, captiuemus omnes sensus nostros in illius obsequium, oculos, non aspectando illicita: aures, noxia non audiendo: linguam, neque de rebus otiosis, neque de aliorum fama sinistrè loquendo: manus, abstinendo ab actionibus malis: cor, non admittendo noxias cupiditates: mentem denique, cauendo noxias cogitationes.

3. Illi manus Christo ligant, qui non confidunt fore, vt Deus ipse res necessarias procurret, aut illis in tentationibus & afflictionibus opem ferat. Deinde, qui diuinis inspirationibus resistentes, non sinunt Deum vt ea in se efficiat quæ desideret. Tertiò ingrati, qui gratiæ non cooperantur, atque ita se ea indignos reddunt. Item tepidi & negligentes, qui ociosam habent gratiam, nec illa vtuntur. Denique qui de se, ob gratiam acceptam, magnificè sentiunt, aut apud alios iactitant, non abscondendo occulta dona. Hi enim his donis indigni fiunt.


4. Christus voluit ligari pro nobis, vt nos sibi alligaret vinculis charitatis. Laboremus ergo, vt ita nos illi firmiter charitate affringamus, vt nulla re facile separari possimus.

5. Fugiunt à Christo, qui pati cum Christo refugiunt: deserunt Christum, qui vel timore aliquo humano, vel tentatione Damonis, & cupiditate effranata victi, à iustitia & veritate deflectunt.

6. Discipuli Christum secuti sunt, vsque ad pas-

ad passionis tempus: tum deinde reliquerunt. Sic parentes, amici, & huius mundi bona seruiunt tibi dum viuis; vbi ministri mortis te circumdederint, diffugient omnes. Discamus ergo non collocare spem in hominibus aut rebus humanis, sed in solo Deo, constantissimo & fidelissimo amico.

7. Ij discipulis sunt similes, qui seruiunt Christo tantisper, dum res bene fluunt, neque vlla molestia aut tædio afficiuntur: vbi verò tentatio exoritur, aut necesse est commoditates & suam voluntatem relinquere, aut pati quicquam in obsequio Christi, subito se retrahunt, & illum destituunt.



MEDITATIO XIV.  
DE CHRISTI AD ANNAM  
DEDUCTIONE.

PVNCTA MEDITATIONIS.

- I. *Christus cum ad Annam duceretur, secutus est à longè Petrus, & alius discipulus, notus Pontifici.*
- II. *Pontifici interroganti de doctrina, & Discipulis, respondit, se palam locutum, & auditores roget.*
- III. *Hoc audito, Vnus ministrorum dedit ei alapam, dicens: Sic respondes Pontifici? &c. atque ita Annas ligatum misit ad Caipham?*

FIGV-